

**ФАРЗАНДЛАРИМИЗДА КИТОБГА БЎЛГАН МУХАББАТНИ
ОИЛАДАЁҚ ШАКЛЛАНТИРИШ**

Razzakov Ziyodulloh Nabijon o‘g‘li

Magistrant, Andijon Davlat Universiteti

Razzakova Maxpuzaxon Xashimovna

O‘qituvchi, Andijon viloyati, Oltinko‘l tumani, 12-maktab

ziadrazzakov@gmail.com

Шундай одамларни ахтарингки, улар билан суҳбат қилмоқ яхши китоб ўқимоққа баробар бўлсин. Шундай китобларни ахтарингки, мутолааси файласуфлар суҳбатига тенг бўлсин [1].

А. Ҳ. Бахманёр

*Саводи бўлатуриб, китоб ўқимайдиган
кишининг саводсиздан фарқи йўқ.*

Марк Твен

Жамиятнинг тараққиёти яъни келажак албатта, болалар ва уларнинг илмий салоҳиятига боғлиқдир. Шундай экан, қайси жамиятда таълимга эътибор қаратилса, сўзсиз у жамият барча соҳада мувофақиятга эришади. Таълимни жамиятнинг энг кичик бирлиги оиладан бошланиши лозим ва лобуддир.

Агар оилада ота-онанинг фарзандлари олдида китоб ўқишни одат қилишса, болалар отадан ва онадан ўрнатилган олиб, уларда китобга бўлган мухаббат оиладаёқ шакллана бошлайди. Аввало биз ота-оналар шуни яхши билишимиз керак-ки, масалан, фарзанд ўз отасини дунёдаги энг ақилли, энг ботир ва энг жувонмард ота деб билади ҳамда бу тушунчасини у шак-шубҳасиз тўғри деб билиб ҳам ишонади. Одатда, қизларимиз эса, ўз онасини дунёдаги

тенги йўқ она, у олима, жуда нозик дид ва фаросат соҳибаси деб қалбан инонади ҳамда ўзи учун “кумир” сифатида қабул қилади. Шунинг учун бола ёшлигидан ҳар қандай саволни мени отам ёки онам сўзсиз билади деган фикр билан биздай сўрайверади. Шундай ўринларда ота-оналар фарзандларимиз томонидан берилаётган барча саволларга жавобларни эринмасдан, обдон ўйлаб ва тушунтиришда, дона-дона қилиб изоҳ билан уқтиришимиз керак бўлади.

Баъзи оилаларда, оналаримизнинг болаларни оддийгина бошланғич мактаб дарсликлари саволларига жавоб беришаолмаётганини гувоҳи бўламиз. Чунки, аксар хонадонларда ота-оналаримизнинг ўз уйларида ҳатто шахсий кутубхоналари ҳам йўқ. Ота-онанинг ўзи болалари учун намуна бўлаолмай қолади.

Маълумки, бола қалби беғубор, тез ўзгарувчан ва шу билан бирга ишонувчан ҳамда бир нарса муҳаббат қилиб қолди албатта жон дилидан унга берилувчан бўлади. Шундай экан, биз ота-оналар фарзандларимизни кичиклигиданоқ, “КИТОБ ЯРМАРКА”ларига “BOOK SAFE” ларга ва кейинроқ эса “КУТУБХОНА” ларга еталаб олиб боришимиз ва ўзимиз ҳам китоб мутаола қилиб, фарзандларимиз қалбида КИТОБГА БЎЛГАН МУҲАББАТНИ ОРТИРИШИМИЗ мумкин.

Қуйида аждодимиз, ватанпарвар муаллим Абдулла Авлоний илм ҳақидаги хикматини келтириб ўтамыз [2]:

Жаҳонда барча неъматдан лазизи илм ўлмаса, недур

Ҳунар боғида уби қад азиз илм ўлмаса, недур

Ҳозирда биз диёримизда яшаб ўтган адиб, олим ёки мутафаккир аждодларимиз билан фахрланамиз, кўплаб соатлаб у зотлар ҳақида тинимсиз ҳурмат билан гапиршимиз мумкин. Чунки уларнинг биз мактанаоладиган дунё тараққиёти учун қилган улкан хиссалари бор. Хўп, уларки ўз вазифаларини жуда ҳам чиройли бажариб кетишди, эндилик навбат бизга келди. Биз ҳам имконимиз

даражасида келажак авлодларимизга, улар ҳам ўз аجدодлари ҳақида хурмат билан мақтаниб тилга оладиган мафаъатли ишларни қилишимиз керак бўлади.

Шу ўринда бир олимнинг кишиларнинг китобга бўлган мухаббати ҳақидаги айтиб ўтган бир ташбеҳини эслаймиз: “Кишилар китобга бўлган мухаббати ўрнида икки хилдир. Биринчи хиллари, қачонки китоб ўқиса, албатта уйқуси келади, иккинчи кишилар бор-ки – улар қачонки китоб ўқиса, уйқуси қочади ” Демк, бир одамлар уйқусини келтириш учун китоб ўқисалар, иккинчи бир, биз учун мақталганлар эса, китоб ўқиганда унга берилиб кетадики хатто, уйқуси қочар экан.

Хулоса ўлароқ, биз ота-онлар ўзимизнинг ҳар икки дунёимиз саодатли бўлсин десак, ўзимизнинг оила деб аталмиш “давлатимиз”да бошлиқ эканмиз, ўз ҳукмронлигимиз остидагиларга китоб ўқишлари учун муҳит яратиб берайлик ҳамда ўзимиз ҳам уларга ўрнак бўладиган мақомда китобга мухаббат қўяйлик!

Фойдаланилган адабиётлар

1. Халқ сўзи журнали // 2021 йил, 10 март сони
2. Manba <https://tafakkur.net/maktab-haqinda/abdulla-avlonyuz>